



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU „HRVATSKE SELJAČKE STRANKE-BRAĆA RADIĆ“ BRČKO DISTRIKT BIH

Broj: 03-07-6-303/20  
Sarajevo, 24.08.2021. godine

## SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	4
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	7

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja „Hrvatske seljačke stranke-Braća Radić“ Brčko distrikt BiH za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2019. godinu, utvrđeno je da je „Hrvatska seljačka stranka-Braća Radić“ Brčko distrikt BiH prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja „Hrvatske seljačke stranke-Braća Radić“ Brčko distrikt BiH za 2019. godinu.

Pregled i kontrola finansijskih izvještaja provedeni su u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja „Hrvatska seljačka stranka-Braća Radić“ Brčko distrikt BiH se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	13.647,64	100,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>13.647,64</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>13.647,64</b>	<b>100,00</b>

U godišnjem finansijskom izvještaju stranka je iskazala rashode u iznosu od 4.677,40 KM.

## 2. PREDSTAVLJANJE POLITIČKE STRANKE

Naziv političke stranke je „Hrvatska seljačka stranka-Braća Radić“ Brčko distrikt BiH. Skraćeni naziv je „HSS -Braća Radić“ Brčko distrikt BiH.

Politička stranka je upisana u registar kod Osnovnog suda Brčko distrikta BiH, Rješenjem broj: 096-0-F1-16-000046 od 11.05.2016. godine.

Sjedište političke stranke je u Brčko distriktu BiH, ulica Ive Andrića bb.<sup>1</sup>

Lica ovlaštena za zastupanje stranke su: Ivan Krndelj, predsjednik i Ivo Anđelović, zamjenik predsjednika stranke.

Lice ovlašteno za finansijske izvještaje za 2019. godinu je Joka Đurić.

U godišnjem finansijskom izvještaju za 2019. godinu „Hrvatska seljačka stranka-Braća Radić“ Brčko distrikt BiH iskazala je sljedeću organizacionu strukturu:

- Predsjedništvo.

<sup>1</sup> Počev od 14.01.2020. godine stranka koristi prostorije u Brčkom, ul. Ivana Franje Jukića br.1.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj „Hrvatske seljačke stranke-Braća Radić“ Brčko distrikt BiH za 2019. godinu.

**Cilj pregleda i kontrole** je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja „Hrvatske seljačke stranke-Braća Radić“ Brčko distrikt BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

„Hrvatska seljačka stranka-Braća Radić“ Brčko distrikt BiH nije podnijela finansijske izvještaje za 2016. i 2017. godinu.

Odlukom Centralne izborne komisije Bosne i Hercegovine, broj: 03-07-6-32/18 od 24.05.2019. godine, politička stranka je zbog nepodnošenja izvještaja za 2016. godinu sankcionisana novčanom kaznom. Centralna izborna komisija Bosne i Hercegovine je, Odlukom broj: 05-1-07-6-388/19 od 14.11.2019. godine, ovoj političkoj stranci zbog nepodnošenja finansijskog izvještaja za 2017. godinu i uskraćivanja pristupa svojim prostorijama radi obavljanja revizije njenog poslovanja za 2017. godinu, u skladu sa odredbom iz člana 10. stav (8) Zakona o finansiranju političkih stranaka, izrekla administrativnu mjeru kojom joj je uskraćeno pravo da se kandiduje na narednim izborima.

Nakon obavljenog pregleda godišnjeg finansijskog izvještaja za 2018. godinu izdat je Izvještaj o pregledu sa mišljenjem revizora, nalazima i preporukama stranci da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom, da u finansijskom izvještaju prijavljuje sve priloge bez obzira na koji način ih ostvaruje, da uspostavi potpune i tačne evidencije o prihodima, rashodima i obavezama, da finansijske izvještaje podnosi u zakonom propisanim rokovima i na način utvrđen podzakonskim aktima Centralne izborne komisije Bosne i Hercegovine, da na zahtjev Centralne izborne komisije Bosne i Hercegovine dostavlja i drugu dokumentaciju koja se zatraži od političke stranke i da poštuje računovodstvene propise.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2019. godinu, utvrđeno je da politička stranka nije ispoštovala date preporuke.

### 5. NALAZI I PREPORUKE

#### 5.1 NALAZI

- a) „Hrvatska seljačka stranka-Braća Radić“ Brčko distrikt BiH prekršila je odredbe člana 4. stav (1) Zakona o finansiranju političkih stranaka<sup>2</sup>.

U godišnjem finansijskom izvještaju za 2019. godinu „Hrvatska seljačka stranka-Braća Radić“ Brčko distrikt BiH iskazala je rashode u ukupnom iznosu od 4.677,80 KM.

„Hrvatska seljačka stranka-Braća Radić“ Brčko distrikt BiH nije uz godišnji finansijski izvještaj za 2018. godinu dostavila program utroška sredstava za 2019. godinu.<sup>3</sup>

---

<sup>2</sup> U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

Dana 24.10.2020. godine, stranka je uz dodatnu dokumentaciju za 2019. godinu, koju je dostavila na zahtjev Centralne izborne komisije Bosne i Hercegovine<sup>4</sup>, dostavila i Program utroška za 2019. godinu. Uvidom u dostavljeni Program utroška za 2019. godinu utvrđeno je da ovaj dokument ne sadrži datum kada je sačinjen, odnosno usvojen, tako da isti nije uzet u razmatranje.

S obzirom da je stranka sredstva u iznosu od 4.677,80 KM utrošila bez programa utroška sredstava, prekršila je odredbe člana 4. stav (1) Zakona o finansiranju političkih stranaka.

**b) Politička stranka je prekršila odredbe člana 5. stav (4) Zakona o finansiranju političkih stranaka.**

Politička stranka nije u poslovnim knjigama evidentirala niti u godišnjem finansijskom izvještaju iskazala nenovčanu donaciju fizičkog lica po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u Ugovor o zakupu od 01.12.2017. godine, utvrđeno je da je fizičko lice<sup>5</sup> ustupilo stranci na korištenje poslovni prostor u Brčkom, bez naknade, na period od dvije godine, tj. od 01.12.2017. godine do 01.12.2019. godine.

Politička stranka je korištenjem poslovnog prostora bez plaćanja zakupnine u periodu od 01.01.-30.11.2019. godine ostvarila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2019. godinu.

**c) „Hrvatska seljačka stranka-Braća Radić“ Brčko distrikt BiH prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Hrvatska seljačka stranka-Braća Radić“ Brčko distrikt BiH nije vodila potpune evidencije o prihodima, rashodima i obavezama i godišnji finansijski izvještaj za 2019. godinu nije podnijela na način kako je propisala Centralna izborna komisija Bosne i Hercegovine, čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka

(1) Politička stranka nije podnijela godišnji finansijski izvještaj za 2019. godinu u skladu sa odredbama člana 3. stav (1) Pravilnika o godišnjim finansijskim izvještajima političkih stranaka (u daljem tekstu: Pravilnik)<sup>6</sup>.

Uvidom u službene evidencije, utvrđeno je da je „Hrvatska seljačka stranka - Braća Radić“ Brčko distrikt BiH Centralnoj izornoj komisiji Bosne i Hercegovine dostavila godišnji finansijski izvještaj dana 03.04.2020. godine i to samo u pisanoj formi, odnosno ručno popunjen.

S obzirom da politička stranka nije podnijela godišnji finansijski izvještaj u elektronskoj formi, putem aplikacije FI CIK BIH i nije dostavila obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke, prekršila je odredbe člana 12. stav (4) Zakona o finansiranju političkih stranaka i odredbe člana 3. stav (1) Pravilnika.

---

<sup>3</sup> Stranka je Program utroška sredstava za 2019. godinu trebala dostaviti uz godišnji finansijski izvještaj za 2018. godinu, tj. najkasnije do 31.03.2019. godine.

<sup>4</sup> Zahtjev za dostavljanje dodatne dokumentacije za 2019. godinu broj: 03-07-06-303-2/20 od 12.10.2020. godine.

<sup>5</sup> Tihomir Antunović

<sup>6</sup> Politička stranka je bila dužna da godišnji finansijski izvještaj za 2019. godinu podnese do 31.03.2020. godine u elektronskoj formi, putem aplikacije FI CIK BIH, te da Centralnoj izornoj komisiji BiH dostavi potvrdu o podnesenom finansijskom izvještaju u elektronskoj formi i obrasce finansijskog izvještaja, odštampane iz aplikacije u PDF formatu, ovjerene potpisom ovlaštenog lica i pečatom političke stranke.

- (2) Stranka u finansijskom izvještaju nije prijavila prihod po osnovu nenovčane donacije koju je ostvarila korištenjem poslovnog prostora bez naknade, čime je prekršila odredbe člana 13. i 18. Pravilnika. Stranka, takođe, nije prijavila trošak zakupnine, čime je prekršila odredbe člana 21. i 22. Pravilnika.

Uvidom u poslovne knjige utvrđeno je da stranka ni u poslovnim knjigama nije evidentirala prihode niti rashode po ovom osnovu.

Osim navedenog, utvrđeno je da stranka u poslovnim knjigama nije evidentirala, a u godišnjem finansijskom izvještaju nije iskazala ni sve troškove po osnovu utrošene električne energije i drugih komunalnih usluga.

- (3) „Hrvatska seljačka stranka-Braća Radić“ Brčko distrikt BiH nije u godišnjem finansijskom izvještaju iskazala sve obaveze, čime je prekršila odredbe člana 24. Pravilnika

Naime, stranka je u godišnjem finansijskom izvještaju iskazala obaveze prema dobavljačima „M:Tel“ i JP „Komunalno“ u ukupnom iznosu od 415,86 KM.

Prema podacima iz poslovnih knjiga, obaveze stranke na dan 31.12.2019. godine iznosile su ukupno 1.277,05 KM, od čega: obaveze prema dobavljačima 774,44 KM i obaveze po osnovu poreza na dohodak 502,61 KM.

Pored navedenog, a uvidom u službene evidencije, utvrđeno je da „Hrvatska seljačka stranka-Braća Radić“ Brčko distrikt BiH ima obaveze po osnovu neplaćene kazne u iznosu od 2.000,00 KM, koju joj je izrekla Centralna izborna komisija Bosne i Hercegovine, Odlukom broj: 03-07-6-32/18 od 24.05.2019. godine. Stranka u poslovnim knjigama i godišnjem finansijskom izvještaju nije iskazala obaveze po ovom osnovu.

## 5.2 PREPORUKE

*Preporučuje se „Hrvatskoj seljačkoj stranci-Braća Radić“ da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom,*
- *da u finansijskom izvještaju prijavljuje sve priloge,*
- *da uspostavi potpune evidencije o prihodima, rashodima i obavezama, odnosno da vodi poslovne knjige u skladu sa računovodstvenim propisima i*
- *da finansijske izvještaje podnosi na način utvrđen Pravilnikom o godišnjim finansijskim izvještajima političkih stranaka.*

### KOMENTAR:

U ostavljenom roku, „Hrvatska seljačka stranka-Braća Radić“ Brčko distrikt BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove, revizor

Sanja Tošović

Šef Službe za reviziju

Mr. sc. Hasida Gušić